



2024/210

4.1.2024

CINNEADH (AE) 2024/210 ÓN gCOMHAIRLE

an 30 Nollaig 2023

maidir le forálacha *acquis* Schengen a chur i bhfeidhm go hiomlán i bPoblacht na Bulgáire agus sa Rómáin

TÁ COMHAIRLE AN AONTAIS EORPAIGH,

Ag féachaint d'Ionstraim Aontachais 2005, agus go háirithe Airteagal 4(2) de,

Ag féachaint don Tuairim ó Pharlaimint na hEorpa ⁽¹⁾,

De bharr an mhéid seo a leanas:

- (1) Le hAirteagal 4(2) d'Ionstraim Aontachais Phoblacht na Bulgáire agus na Rómáine, 2005, foráiltear, maidir leis na forálacha sin de *acquis* Schengen nach dtagraítear dóibh in Airteagal 4(1) den Ionstraim sin, nach mbeidh feidhm acu i ngach ceann de na Ballstáit sin ach amháin de bhun cinneadh ón gComhairle chuige sin, tar éis é a bheith fíoraithe i gcomhréir le nósanna imeachta meastóireachta Schengen is infheidhme, gur comhlíonadh sna Ballstáit sin na coinníollacha is gá chun gach cuid den *acquis* a chur i bhfeidhm.
- (2) Tar éis di a fhíorú gur chomhlíon an Bhulgáir agus an Rómáin na coinníollacha is gá chun an chuid sin de *acquis* Schengen a bhaineann le cosaint sonraí a chur i bhfeidhm, rinne an Chomhairle, le Cinneadh 2010/365/AE ⁽²⁾ uaithe, infheidhme maidir leis an mBulgáir agus leis an Rómáin ón 15 Deireadh Fómhair 2010 na forálacha sin de chuid *acquis* Schengen a bhaineann le Córas Faisnéise Schengen (SIS), cé is moite den oibleagáid cead isteach nó fanacht ar a gcríocha a dhiúltú do náisiúnaigh tríú tír ar eisigh Ballstát eile foláireamh SIS ina leith chun cead isteach nó fanacht a dhiúltú i gcomhréir le Rialachán (CE) Uimh. 1987/2006 ó Pharlaimint na hEorpa agus ón gComhairle ⁽³⁾ agus den oibleagáid gan foláirimh SIS a eisiúint ná faisnéis bhreise a iontráil agus gan faisnéis fhorlíontach a mhalartú faoi náisiúnaigh tríú tír chun forálacha teacht isteach nó fanachta a dhiúltú i gcomhréir le Rialachán (CE) Uimh. 1987/2006 ('forálacha *acquis* Schengen a bhaineann le SIS atá fágtha').
- (3) Tá sé fíoraithe ag an gComhairle, i gcomhréir leis na nósanna imeachta meastóireachta Schengen is infheidhme a leagtar amach sa Chinneadh ón gCoiste Feidhmiúcháin an 16 Meán Fómhair 1998 ⁽⁴⁾, gur comhlíonadh sa Bhulgáir agus sa Rómáin na coinníollacha is gá chun *acquis* Schengen a chur i bhfeidhm i ngach réimse de *acquis* Schengen atá fágtha, eadhon, teorainneacha aeir, teorainneacha talún, comhar póilíneachta, cosaint sonraí, SIS, teorainneacha farraige agus víosaí.
- (4) An 9 Meitheamh 2011, chinn an Chomhairle gur chomhlíon an Bhulgáir agus an Rómáin na coinníollacha i ngach ceann de na réimsí de *acquis* Schengen atá fágtha.
- (5) Dá bhrí sin, is féidir na dátaí a chuirfidh an Bhulgáir agus an Rómáin *acquis* Schengen i bhfeidhm a shocrú, ar dátaí iad ónar cheart deireadh a chur le seiceálacha ar dhaoine ag na teorainneacha inmheánacha leis an mBallstáit sin.
- (6) An 12 Deireadh Fómhair 2017, ghlac an Chomhairle Cinneadh (AE) 2017/1908 ⁽⁵⁾ lena gcuirtear i bhfeidhm forálacha áirithe de *acquis* Schengen a bhaineann leis an gCóras Faisnéise Víosaí ('VIS') sa Bhulgáir agus sa Rómáin.

⁽¹⁾ IO C 380E, 11.12.2012, lch. 160.

⁽²⁾ Cinneadh 2010/365/AE ón gComhairle an 29 Meitheamh 2010 maidir leis na forálacha sin de chuid *acquis* Schengen a bhaineann le Córas Faisnéise Schengen a chur i bhfeidhm i bPoblacht na Bulgáire agus sa Rómáin (IO L 166, 1.7.2010, lch. 17).

⁽³⁾ Rialachán (CE) Uimh. 1987/2006 ó Pharlaimint na hEorpa agus ón gComhairle an 20 Nollaig 2006 maidir leis an dara glúin de Chóras Faisnéise Schengen (SIS II) a bhunú, a oibriú agus a úsáid (IO L 381, 28.12.2006, lch. 4).

⁽⁴⁾ Cinneadh ón gCoiste Feidhmiúcháin an 16 Meán Fómhair 1998 lena mbunaítear Buanchóiste um measúnú agus cur chun feidhme Schengen (SCH/Com-ex (98) 26 def.) (IO L 239, 22.9.2000, lch. 138).

⁽⁵⁾ Cinneadh (AE) 2017/1908 ón gComhairle an 12 Deireadh Fómhair 2017 maidir le cur i bhfeidhm forálacha áirithe de *acquis* Schengen a bhaineann leis an gCóras Faisnéise Víosaí i bPoblacht na Bulgáire agus sa Rómáin (IO L 269, 19.10.2017, lch. 39).

- (7) An 25 Meitheamh 2018, ghlac an Chomhairle Cinneadh (AE) 2018/934 ⁽⁶⁾ lena gcuirtear i bhfeidhm na forálacha atá fágtha de *acquis* Schengen a bhaineann le SIS sa Bhulgáir agus sa Rómáin.
- (8) An córas simplithe le haghaidh náisiúnaigh tríú tír a bhfuil víosa ghearrfhanachta ina seilbh acu arna heisiúint ag an mBulgáir nó an Rómáin le haghaidh idirthuras trína gcíocha nó tréimhsí fanachta atá beartaithe ar a gcíocha le haghaidh tréimhse nach faide ná 90 lá i rith tréimhse 180 lá, a tugadh isteach le Cinneadh Uimh. 565/2014/AE ó Pharlaimint na hEorpa agus ón gComhairle ⁽⁷⁾, ba cheart an córas simplithe sin a choinneáil ionas nach n-éireodh an taisteal níos deacra do chatagóirí áirithe daoine. Dá bhrí sin, ba cheart d'fhorálacha áirithe den Chinneadh sin leanúint d'fheidhm a bheith acu ar feadh idirthréimhse theoranta.
- (9) Is iomchuí, ar chúiseanna teicniúla agus oibríochtúla, deireadh a chur ar dtús leis na seiceálacha ag teorainneacha inmheánacha aer agus farraige a luaithe is féidir in 2024. Ba cheart deireadh a chur leis na seiceálacha sin ar an gcéad dáta is féidir a chomhfhreagraíonn don athrú séasúrach ar sceideal IATA.
- (10) Ba cheart don Chomhairle cinneadh breise a dhéanamh, ag gníomhú di d'aon toil i gcomhréir le hAirteagal 4(2) d'Ionstraim Aontachais Phoblacht na Bulgáire agus na Rómáine, 2005, agus na socruithe ábhartha teicniúla agus oibríochtúla ag na teorainneacha sin agus staid na himeartha i ndáil leis an gcomhar frithpháirteach dá dtagraítear in aithris 11 á gcur san áireamh, chun dáta iomchuí a shocrú chun deireadh a chur le seiceálacha ag teorainneacha inmheánacha talún. Ba cheart do na Ballstáit agus don Choimisiún a bheith ag obair chun a chur ar chumas na Comhairle an cinneadh sin a dhéanamh.
- (11) Tugann an Chomhairle dá haire go bhfuil comhthuiscint ann maidir leis an gcomhar a bheidh ann amach anseo idir Ballstáit áirithe, ar comhar é lena dtacóidh an Coimisiún. Cuirfidh na bearta agus na gealltanais chomhlántacha a leagtar amach sna ráitis a ghabhann le taifid na Comhairle leis an muinín fhrithpháirteach agus leis an gcomhar idir na Ballstáit sin agus, dá bhrí sin, is tosa tábhachtacha iad a thug ar an gComhairle an Cinneadh seo a ghlacadh.
- (12) Maidir leis an Íoslainn agus leis an Iorua, is é atá sa Chinneadh seo forbairt ar fhorálacha *acquis* Schengen de réir bhrí an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá tír sin le *acquis* Schengen ⁽⁸⁾ a chur chun feidhme, a chur i bhfeidhm agus a fhorbairt, ar forálacha iad a thagann faoi réim an réimse dá dtagraítear in Airteagal 1, pointí B, C, D agus F de Chinneadh 1999/437/CE ón gComhairle ⁽⁹⁾.
- (13) Maidir leis an Eilvéis, is é atá sa Chinneadh seo forbairt ar fhorálacha *acquis* Schengen de réir bhrí an Chomhaontaithe arna thabhairt i gcrích idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt ⁽¹⁰⁾, ar forálacha iad a thagann faoi réim an réimse dá dtagraítear in Airteagal 1, pointí B, C, D, agus F de Chinneadh 1999/437/CE, arna léamh i gcomhar le hAirteagal 3 de Chinneadh 2008/146/CE ón gComhairle ⁽¹¹⁾.

⁽⁶⁾ Cinneadh (AE) 2018/934 ón gComhairle an 25 Meitheamh 2018 maidir leis na forálacha eile de *acquis* Schengen a bhaineann le Córas Faisnéise Schengen i bPoblacht na Bulgáire agus sa Rómáin a chur i bhfeidhm (IO L 165, 2.7.2018, lch. 37).

⁽⁷⁾ Cinneadh Uimh. 565/2014/AE ó Pharlaimint na hEorpa agus ón gComhairle an 15 Bealtaine 2014 lena dtugtar córas simplithe isteach le haghaidh daoine a rialú ag na teorainneacha seachtracha, ar córas é a bheidh bunaithe ar aitheantas aontaobhach a bheith á thabhairt ag an mBulgáir, ag an gCróit, ag an gCipir agus ag an Rómáin do dhoiciméid áirithe mar dhoiciméid atá coibhéiseach lena víosaí náisiúnta le haghaidh idirthuras trína gcíocha nó tréimhsí fanachta atá beartaithe ar a gcíocha nach faide ná 90 lá in aon tréimhse 180 lá agus lena n-aisghairtear Cinneadh Uimh. 895/2006/CE agus Cinneadh Uimh. 582/2008/CE (IO L 157, 27.5.2014, lch. 23).

⁽⁸⁾ IO L 176, 10.7.1999, lch. 36.

⁽⁹⁾ Cinneadh 1999/437/CE ón gComhairle an 17 Bealtaine 1999 maidir le socruithe áirithe i dtaca le cur i bhfeidhm an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá tír sin le *acquis* Schengen a chur chun feidhme, a chur i bhfeidhm agus a fhorbairt (IO L 176, 10.7.1999, lch. 31).

⁽¹⁰⁾ IO L 53, 27.2.2008, lch. 52.

⁽¹¹⁾ Cinneadh 2008/146/CE ón gComhairle an 28 Eanáir 2008 maidir le tabhairt i gcrích an Chomhaontaithe, thar ceann an Chomhphobail Eorpaigh, idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt (IO L 53, 27.2.2008, lch. 1).

- (14) Maidir le Lichtinstéin, is é atá sa Chinneadh seo forbairt ar fhorálacha *acquis* Schengen de réir bhrí an Phrótacail idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt ⁽¹²⁾, ar forálacha iad a thagann faoi réim an réimse dá dtagraítear in Airteagal 1, pointí B, C, D agus F de Chinneadh 1999/437/CE arna léamh i gcomhar le hAirteagal 3 de Chinneadh 2011/350/AE ón gComhairle ⁽¹³⁾,

TAR ÉIS AN CINNEADH SEO A GHLACADH:

Airteagal 1

Ón 31 Márta 2024, cuirfear deireadh le seiceálacha ar dhaoine ag teorainneacha inmheánacha aeir agus farraige leis an mBulgáir agus leis an Rómáin agus idir an dá thír sin, agus beidh feidhm ag forálacha *acquis* Schengen dá dtagraítear san larscríbhinn maidir leis an mBulgáir agus leis an Rómáin eatarthu féin agus ina gcaidreamh le Ríocht na Beilge, Poblacht na Seice, Ríocht na Danmhairge, Poblacht Chónaidhme na Gearmáine, Poblacht na hEastóine, an Phoblacht Heilléanach, Ríocht na Spáinne, Poblacht na Fraince, Poblacht na Cróite, Poblacht na hIodáile, Poblacht na Laitvia, Poblacht na Liotuáine, Ard-Diúcacht Lucsamburg, an Ungáir, Málta, Ríocht na hÍsiltíre, Poblacht na hOstaire, Poblacht na Polainne, Poblacht na Portaingéile, Poblacht na Slóivéine agus Poblacht na Slóvaice, Poblacht na Fionlainne agus Ríocht na Sualainne mar aon leis an Íoslainn, Prionsacht Lichtinstéin, Ríocht na hIorua agus Cónaidhm na hEilvéise.

Féachfaidh an Chomhairle le cinneadh a dhéanamh maidir le deireadh a chur le seiceálacha ar dhaoine ag teorainneacha inmheánacha talún. Is cinneadh é sin a ghlacfaidh an Chomhairle ag gníomhú di d'aon toil i gcomhréir le hAirteagal 4(2) d'Ionstraim Aontachais Phoblacht na Bulgáire agus na Rómáine, 2005.

Airteagal 2

Víosáí náisiúnta gearrghanachta arna n-eisiúint ag an mBulgáir agus ag an Rómáin roimh an 31 Márta 2024, leanfaidh siad de bheith bailí ar feadh a dtréimhse bhailíochta, chun críche idirthurais trí chríoch Ballstát eile nó chun críche tréimhsí fanachta atá beartaithe ar a gcríocha nach faide ná 90 lá in aon tréimhse 180 lá, a mhéid a aithníonn na Ballstáit víosaí gearrghanachta den sórt sin chun na gcríoch sin, i gcomhréir le Cinneadh Uimh. 565/2014/AE. Beidh feidhm ag na coinníollacha a leagtar amach sa Chinneadh sin.

Airteagal 3

Tiocfaidh an Cinneadh seo i bhfeidhm ar dháta a fhoilsithe in *Iris Oifigiúil an Aontais Eorpaigh*.

Arna dhéanamh sa Bhruiséil, an 30 Nollaig 2023.

Thar ceann na Comhairle

An tUachtarán

P. NAVARRO RÍOS

⁽¹²⁾ IO L 160, 18.6.2011, lch. 21.

⁽¹³⁾ Cinneadh 2011/350/AE ón gComhairle an 7 Márta 2011 maidir le tabhairt i gcrích an Phrótacail, thar ceann an Aontais Eorpaigh, idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt, a bhaineann le seiceálacha ag na teorainneacha inmheánacha a dhíothú agus le gluaiseacht daoine (IO L 160, 18.6.2011, lch. 19).

IARSCRÍBHINN

LIOSTA D'FHORÁLACHA ACQUIS SCHENGEN DE RÉIR BHRÍ AIRTEAGAL 4(2) D'IONSTRAIM AONTACHAIS 2005 ATÁ LE DÉANAMH INFHEIDHME SA BHULGÁIR AGUS SA RÓMÁIN EATARTHU FÉIN AGUS INA GCAIDREAMH LEIS NA BALLSTÁIT A CHUIREANN ACQUIS SCHENGEN I BHFEIDHM INA IOMLÁINE CHOMH MAITH LEIS AN ÍOSLAINN, PRIONSACHT LICHTINSTÉIN, AN IORUA AGUS CÓNADHM NA HEILVÉISE

- A. Na forálacha seo a leanas den Choinbhinsiún a síníodh in Schengen an 19 Meitheamh 1990 lena gcuirtear chun feidhme Comhaontú Schengen an 14 Meitheamh 1985 maidir le seiceálacha ag a gcomhtheorainneacha a dhíothú de réir a chéile (IO L 239, 22.9.2000, lch. 19):

Airteagal 1 a mhéid a bhaineann sé le forálacha eile dá dtagraítear sa phointe seo, Airteagal 18, Airteagal 19(1), (3) agus (4), Airteagail 20, 21 agus 22, Airteagail 40 go 43, agus Airteagail 126 go 130 a mhéid a bhaineann siad le forálacha eile dá dtagraítear sa phointe seo; ina theannta sin, Airteagal 1 agus Airteagail 126 go 130 a mhéid nach gcumhdaítear le Cinneadh (AE) 2017/1908 iad.

- B. Na gníomhartha dlí eile seo a leanas de chuid an Aontais mar aon le gníomhartha lena gcuirtear chun feidhme iad:

1. Treoir 2001/40/CE ón gComhairle an 28 Bealtaine 2001 maidir le haitheantas frithpháirteach cinntí i dtaca le náisiúnaigh tríú tír a dhíbirt (IO L 149, 2.6.2001, lch. 34);
2. Cinneadh 2004/191/CE ón gComhairle an 23 Feabhra 2004 lena leagtar amach na critéir agus na socruithe praiticiúla chun na míchothromaíochtaí airgeadais a chúiteamh ar toradh iad ar chur i bhfeidhm Threoir 2001/40/CE maidir le haitheantas frithpháirteach cinntí i dtaca le náisiúnaigh tríú tír a dhíbirt (IO L 60, 27.2.2004, lch. 55);
3. Pointe 4, pointe (b), agus Airteagal 9, pointe (c) de Rialachán (CE) Uimh. 1931/2006 ó Pharlaimint na hEorpa agus ón gComhairle an 20 Nollaig 2006 lena leagtar síos rialacha maidir le trácht teorann áitiúil ag teorainneacha talún seachtracha na mBallstát agus lena leasaítear forálacha Choinbhinsiún Schengen (IO L 405, 30.12.2006, lch. 1);
4. Rialachán (CE) Uimh. 767/2008 ó Pharlaimint na hEorpa agus ón gComhairle an 9 Iúil 2008 maidir leis an gCóras Faisnéise Víosáí (VIS) agus maidir le sonraí ar víosaí gearr fhanachta a mhalartú idir Ballstáit (Rialachán VIS) (IO L 218, 13.8.2008, lch. 60), a mhéid nach gcumhdaítear le Cinneadh (AE) 2017/1908 iad;
5. Rialachán (CE) Uimh. 810/2009 ó Pharlaimint na hEorpa agus ón gComhairle an 13 Iúil 2009 lena mbunaítear Cód Comhphobail maidir le Víosáí (Cód Víosáí) (IO L 243, 15.9.2009, lch. 1), seachas Airteagal 3 a mhéid nach gcumhdaítear le Cinneadh (AE) 2017/1908 iad;
6. Rialachán (AE) Uimh. 265/2010 ó Pharlaimint na hEorpa agus ón gComhairle an 25 Márta 2010 lena leasaítear an Coinbhinsiún chun Comhaontú Schengen a chur chun feidhme agus Rialachán (CE) Uimh. 562/2006 maidir le gluaiseacht daoine ag a bhfuil víosa fadfhanachta (IO L 85, 31.3.2010, lch. 1);
7. Cinneadh Uimh. 1105/2011/AE ó Pharlaimint na hEorpa agus ón gComhairle an 25 Deireadh Fómhair 2011 maidir le liosta na ndoiciméad taistil a thugann teideal don sealbhóir na teorainneacha seachtracha a thrasnú agus ar doiciméid iad is féidir a fhormhuiniú le víosa, agus maidir le sásra á bhunú chun an liosta sin a shocrú (IO L 287, 4.11.2011, lch. 9);
8. Rialachán (AE) Uimh. 610/2013 ó Pharlaimint na hEorpa agus ón gComhairle an 26 Meitheamh 2013 lena leasaítear Rialachán (CE) Uimh. 562/2006 ó Pharlaimint na hEorpa agus ón gComhairle lena mbunaítear Cód Comhphobail maidir leis na rialacha lena rialaítear gluaiseacht daoine thar teorainneacha (Cód Teorainneacha Schengen), an Coinbhinsiún lena ndéantar Comhaontú Schengen a chur chun feidhme, Rialachán (CE) Uimh. 1683/95 agus (CE) Uimh. 539/2001 ón gComhairle agus Rialachán (CE) Uimh. 767/2008 agus (CE) Uimh. 810/2009 ó Pharlaimint na hEorpa agus ón gComhairle (IO L 182, 29.6.2013, lch. 1), a mhéid a bhaineann sé le forálacha eile dá dtagraítear san Iarscríbhinn seo;
9. Airteagal 1, Airteagal 6(5), pointe (a), Teideal III agus forálacha Theideal II agus na hIarscríbhinní de a thagraíonn don Chóras Faisnéise Víosáí, de Rialachán (AE) 2016/399 ó Pharlaimint na hEorpa agus ón gComhairle an 9 Márta 2016 maidir le Cód an Aontais maidir leis na rialacha lena rialaítear gluaiseacht daoine thar teorainneacha (Cód Teorainneacha Schengen) (IO L 77, 23.3.2016, lch. 1) a mhéid nach gcumhdaítear le Cinneadh (AE) 2017/1908 iad;

10. Rialachán (AE) 2017/2225 ó Pharlaimint na hEorpa agus ón gComhairle an 30 Samhain 2017 lena leasaítear Rialachán (AE) 2016/399 a mhéid a bhaineann le húsáid an Chórais Dul Isteach/Imeachta (IO L 327, 9.12.2017, lch. 1), a mhéid nach bhfuil sé infheidhme go fóill i gcomhréir le hAirteagal 66(2) de Rialachán (AE) 2017/2226;
11. Rialachán (AE) 2017/2226 ó Pharlaimint na hEorpa agus ón gComhairle an 30 Samhain 2017 lena mbunaítear Córas Dul Isteach/Imeachta (EES) chun sonraí faoi dhul isteach agus imeacht agus sonraí faoi dhiúltú cead isteach náisiúnach tríú tír a chlárú agus iad ag trasnú teorainneacha seachtracha na mBallstát agus lena gcinntear na coinníollacha ar a dtabharfar rochtain ar EES chun críocha fhorghníomhú an dlí, agus lena leasaítear an Coinbhinsiún lena ndéantar Comhaontú Schengen a chur chun feidhme agus Rialacháin (CE) Uimh. 767/2008 agus (AE) Uimh. 1077/2011 (IO L 327, 9.12.2017, lch. 20) a mhéid a bhaineann sé leis an gCóras Faisnéise Víosáí mar a leagtar síos i Rialachán (CE) Uimh. 767/2008 agus nach bhfuil infheidhme fós i gcomhréir le hAirteagal 66 (2) de Rialachán (AE) 2017/2226;
12. Rialachán (AE) 2018/1726 ó Pharlaimint na hEorpa agus ón gComhairle an 14 Samhain 2018 maidir le Gníomhaireacht an Aontais Eorpaigh chun Bainistiú Oibríochtúil a dhéanamh ar Chórais Mhórsála TF sa Limistéar Saoirse, Slándála agus Ceartais (eu-LISA), agus lena leasaítear Rialachán (CE) Uimh. 1987/2006 agus Cinneadh 2007/533/CGB ón gComhairle agus lena n-aisghairtear Rialachán (AE) Uimh. 1077/2011, (IO L 295, 21.11.2018, lch. 99), a mhéid a bhaineann sé leis an gCóras Faisnéise Víosáí mar a leagtar síos i Rialachán (CE) Uimh. 767/2008 agus nach gcumhdaítear le Cinneadh (AE) 2017/1908 agus an Córas Dul Isteach/Imeachta mar a bunaíodh le Rialachán (AE) 2017/2226 agus dá dtagraítear san Iarscríbhinn seo;
13. Rialachán (AE) 2019/817 ó Pharlaimint na hEorpa agus ón gComhairle an 20 Bealtaine 2019 maidir le creat a bhunú le haghaidh idir-inoibritheacht idir córais faisnéise AE i réimse na dteorainneacha agus na víosaí agus lena leasaítear Rialacháin (CE) Uimh. 767/2008, (AE) 2016/399, (AE) 2017/2226, (AE) 2018/1240, (AE) 2018/1726 agus (AE) 2018/1861 ó Pharlaimint na hEorpa agus ón gComhairle agus Cinní 2004/512/CE agus 2008/633/CGB ón gComhairle (IO L 135, 22.5.2019, lch. 27), a mhéid a bhaineann sé le Córas Faisnéise Víosáí mar a leagtar síos i Rialachán (CE) Uimh. 767/2008 agus nach gcumhdaítear le Cinneadh (AE) 2017/1908 agus an Córas Dul Isteach/Imeachta mar a bunaíodh le Rialachán (AE) 2017/2226 agus dá dtagraítear san Iarscríbhinn seo;
14. Rialachán (AE) 2019/818 ó Pharlaimint na hEorpa agus ón gComhairle an 20 Bealtaine 2019 maidir le creat a bhunú le haghaidh idir-inoibritheacht idir córais faisnéise AE i réimse an chomhair póilíneachta agus an chomhair bhreithiúnaigh, an tearmainn agus na himirce agus lena leasaítear Rialacháin (AE) 2018/1726, (AE) 2018/1862 agus (AE) 2019/816 (IO L 135, 22.5.2019, lch. 85), a mhéid a bhaineann sé leis an gCóras Faisnéise Víosáí mar a leagtar síos i Rialachán (CE) Uimh. 767/2008 agus nach gcumhdaítear le Cinneadh (AE) 2017/1908 agus an Córas Dul Isteach/Imeachta mar a bunaíodh i Rialachán (AE) 2017/2226 agus dá dtagraítear san Iarscríbhinn seo;
15. Rialachán (AE) 2019/1155 ó Pharlaimint na hEorpa agus ón gComhairle an 20 Meitheamh 2019 lena leasaítear Rialachán (CE) Uimh. 810/2009 lena mbunaítear Cód Comhphobail maidir le Víosáí (Cód Víosáí) (IO L 188, 12.7.2019, lch. 25);
16. Rialachán (AE) 2021/1133 ó Pharlaimint na hEorpa agus ón gComhairle an 7 Iúil 2021 lena leasaítear Rialacháin (AE) Uimh. 603/2013, (AE) 2016/794, (AE) 2018/1862, (AE) 2019/816 agus (AE) 2019/818 a mhéid a bhaineann leis na coinníollacha a bhunú chun rochtain a fháil ar chórais faisnéise AE eile chun críocha an Chórais Faisnéise Víosáí, (IO L 248, 13.7.2021, lch. 1);
17. Rialachán (AE) 2021/1134 ó Pharlaimint na hEorpa agus ón gComhairle an 7 Iúil 2021 lena leasaítear Rialacháin (CE) Uimh. 767/2008, (CE) Uimh. 810/2009, (AE) 2016/399, (AE) 2017/2226, (AE) 2018/1240, (AE) 2018/1860, (AE) 2018/1861, (AE) 2019/817 agus (AE) 2019/1896 ó Pharlaimint na hEorpa agus ón gComhairle agus lena n-aisghairtear Cinní 2004/512/CE agus 2008/633/CGB ón gComhairle, chun críche an Chórais Faisnéise Víosáí a athchóiriú, (IO L 248, 13.7.2021, lch. 11), a mhéid nach gcumhdaítear le Cinneadh (AE) 2017/1908;
18. Rialachán (AE) 2021/1152 ó Pharlaimint na hEorpa agus ón gComhairle an 7 Iúil 2021 lena leasaítear Rialacháin (CE) Uimh. 767/2008, (AE) 2017/2226, (AE) 2018/1240, (AE) 2018/1860, (AE) 2018/1861 agus (AE) 2019/817 a mhéid a bhaineann leis na coinníollacha a bhunú chun rochtain a fháil ar chórais faisnéise AE eile chun críocha an Chórais Faisnéise Víosáí, (IO L 249, 14.7.2021, lch. 15), a mhéid a bhaineann sé leis an gCóras Faisnéise Víosáí mar a leagtar síos i Rialachán (CE) Uimh. 767/2008 agus an Córas Dul Isteach/Imeachta mar a bunaíodh le Rialachán (AE) 2017/2226, agus nach bhfuil infheidhme fós i gcomhréir le hAirteagal 66(2) de Rialachán (AE) 2017/2226;

19. Airteagal 1, pointe (a) de Chinneadh (AE) 2022/2512 ó Pharlaimint na hEorpa agus ón gComhairle an 14 Nollaig 2022 maidir le gan glacadh le doiciméid taistil de chuid Chónaidhm na Rúise arna n-eisiúint san Úcráin agus sa tSeoirsia (IO L 326, 21.12.2022, lch. 1);
20. Rialachán (AE) 2023/2667 ó Pharlaimint na hEorpa agus ón gComhairle an 22 Samhain 2023 lena leasaítear Rialachán (CE) Uimh. 767/2008, (CE) Uimh. 810/2009 agus (AE) 2017/2226 ó Pharlaimint na hEorpa agus ón gComhairle, Rialachán (CE) Uimh. 693/2003 agus (CE) Uimh. 694/2003 ón gComhairle agus an Coinbhinsiún lena ndéantar Comhaontú Schengen a chur chun feidhme, a mhéid a bhaineann le digitiú an nós imeachta víosa (IO L 2023/2667, 7.12.2023, ELI: <http://data.europa.eu/eli/reg/2023/2667/oj>).
